

საბაკალავრო ნაშრომის მომზადებისა და დაცვის წესი

საბაკალავრო ნაშრომის მიზანი

საბაკალავრო ნაშრომის მიზანია სწავლის პროცესში მიღებული ცოდნის სისტემატიზაცია - დარგობრივი ცოდნის, კვლევითი, შემოქმედებითი თუ პრაქტიკული უნარ-ჩვევების გამოვლენა. საბაკალავრო ნაშრომი წარმოადგენს სტუდენტის მიერ ინდივიდუალურად ან ჯგუფურად შესრულებულ სამუშაოს. ჯგუფური სამუშაოს შემთხვევაში, ანოტაციაში უნდა გამოიკვეთოს და მიეთითოს თითოეული მონაწილის წვლილი.

საბაკალავრო ნაშრომში/პროექტში უნდა აისახოს სწავლის პერიოდში შეძენილი თეორიული თუ პრაქტიკული ცოდნა.

საბაკალავრო ნაშრომის ხელმძღვანელი

საბაკალავრო ნაშრომის ხელმძღვანელს სტუდენტი ირჩევს შესაბამისი მიმართულების აკადემიური პერსონალიდან (პროფესორი, ასოცირებული და ასისტენტ-პროფესორი). თუმცა, შესაძლოა, სტუდენტმა აირჩიოს მოწვეული სპეციალისტიც/პროფესორიც. საბაკალავრო პროგრამის ხელმძღვანელი ორგანიზებას უწევს საბაკალავრო ნაშრომების ხელმძღვანელების შერჩევის პროცესს.

საბაკალავრო ნაშრომის თემის არჩევა

- დამამთავრებელი სემესტრის დასაწყისში, აკადემიური რეგისტრაციისთვის დადგენილ ვადებში, სტუდენტი სასწავლო ბარათში (sms.tsu.ge) აფიქსირებს თავის არჩევანს და რეგისტრირდება საგანზე: „საბაკალავრო ნაშრომი“ (შესაბამისი საბაკალავრო პროგრამის მითითებით).
- სემესტრის დაწყებიდან 2 კვირის განმავლობაში სტუდენტთა საბაკალავრო ნაშრომების სავარაუდო სათაურები და ხელმძღვანელების კანდიდატურები გადაეცემა ფაკულტეტის სასწავლო პროცესის მართვის სამსახურს ფაკულტეტის ვებგვერდზე ასატვირთად.

საბაკალავრო ნაშრომის სტრუქტურა

საბაკალავრო ნაშრომის სტრუქტურა შედგება შემდეგი ნაწილებისაგან:

1. თავფურცელი (სატიტულო ფურცელი)
2. ანოტაცია (ქართულ ენაზე)
3. სარჩევი (შინაარსი)
4. შესავალი
5. ტექსტის ძირითადი ნაწილი
6. დასკვნა
7. გამოყენებული ლიტერატურის სია

თავფურცელი (სატიტულო ფურცელი): (ივსება ქვემოთ მოყვანილი წესის მიხედვით)

- უმაღლესი სასწავლო დაწესებულებისა და პროგრამის დასახელება (ივ. ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტი, საბაკალავრო პროგრამის დასახელება) (შრიფტის ზომა: 14);
- სტუდენტის სახელი და გვარი მიეთითება 2-3 სმ-ის დაშორებით (შრიფტის ზომა: 16);
- შუა ნაწილში იწერება ნაშრომის სახელწოდება (შრიფტის ზომა: 16);
- ნაშრომის დასახელების ქვემოთ იწერება მისანიჭებელი აკადემიური ხარისხი, რომლის მოსაპოვებლად არის წარმოდგენილი ნაშრომი დასაცავად (შრიფტის ზომა: 14); (მაგ.: ნაშრომი შესრულებულია სოციოლოგიის ბაკალავრის აკადემიური ხარისხის მოსაპოვებლად);
- თავფურცლის მარჯვენა ქვედა მხარეს იწერება ნაშრომის ხელმძღვანელის სახელი, გვარი, აკადემიური ხარისხი, აკადემიური თანამდებობა (შრიფტის ზომა: 12);
- ნაშრომის შესრულების ადგილი და დრო, ქალაქი და წელი მიეთითება სულ ქვემოთ, ფურცლის შუა ნაწილში (მაგ.: თბილისი, 2015 წელი) (შრიფტის ზომა: 12)

სარჩევი (შინაარსი)

მოცემული უნდა იყოს ნაშრომის სრული ტექსტის ყველა თავისა და პარაგრაფის ზუსტი დასახელება თანმიმდევრულად მათი გვერდების ნომრის მარჯვენა მხარეს მითითებით. გვერდების ნუმერაცია უნდა დაიწყოს სარჩევის მომდევნო გვერდიდან თავფურცლის, ანოტაციის და შინაარსის გვერდების რაოდენობის გათვალისწინებით.

ანოტაცია

აისახება თემის აქტუალობა, მიზნები, ამოცანები, კვლევის საგანი, ობიექტი, ძირითადი შედეგები, სიახლე; მოცულობა 100-150 სიტყვა, ანოტაცია იწერება ქართულ ენაზე. ჯგუფური ნაშრომის ან შემოქმედებითი პროექტის შესრულებისას, ანოტაციაში უნდა გამოიკვეთოს და მიეთითოს თითოეული მონაწილის წვლილი.

შესავალი:

ნაშრომის ამ ნაწილში აისახება თემის აქტუალობა და მნიშვნელობა, ნაშრომის მიზნები და ამოცანები, საკვლევი საგანი, გამოყენებული მეთოდ/ებ/ი, მიდგომები, მატერიალურ-ტექნიკური ბაზა და საინფორმაციო რესურსები (ასეთის არსებობის შემთხვევაში).

ტექსტის ძირითადი ნაწილი:

ტექსტის ძირითადი ნაწილი უნდა დაიწყოს თავებად და პარაგრაფებად. ტექსტში უნდა ჩანდეს საკვლევი საკითხზე არსებული ლიტერატურის მიმოხილვა, თეორიული და ემპირიული კვლევის ეტაპები და შედეგები.

დასკვნა: ასახავს კვლევის/შემოქმედებითი პროექტის თეორიულ და პრაქტიკულ შედეგების ინტერპრეტაციას, ძირითადი დასკვნები, მიგნებები ან/და რეკომენდაციები.

ტექსტის გაფორმების წესი:

1. ტექსტი აკრეფილი უნდა იყოს A4 ზომის სტანდარტულ ფურცელზე
2. შრიფტის სახე - Sylfaen
3. ტექსტის შრიფტის ზომა - 12
4. თავები ინომრება თანმიმდევრულად
5. პარაგრაფს დაესმის თავისა და პარაგრაფის ნომრები
6. თავების/პარაგრაფების შრიფტის ზომა - 16/14
7. სქოლიოს შრიფტის ზომა -10
8. სტრიქონებს შორის მანძილი -1,5 ინტერვალი;
9. ფურცლის გვერდზე ტექსტის მინდორი: მარცხნიდან -3 სმ, მარჯვნიდან -1 სმ, ზემოდან - 2.5 სმ, ქვემოდან 2.5ს;
10. ნაშრომის მოცულობა არანაკლებ 20 გვერდისა (დანართებისა და მითითებული ლიტერატურის გარეშე). ჯგუფური საბაკალავრო ნაშრომის მოცულობა 2 სტუდენტის შემთხვევაში 30 გვერდი, 3 სტუდენტის შემთხვევაში 40 გვერდი.

გამოყენებული ლიტერატურის მიმართ გასათვალისწინებელი მოთხოვნები:

საბაკალავრო ნაშრომი უნდა მომზადდეს სოციალურ მეცნიერებებში დამკვიდრებული APA-ს სტილის (ამერიკელ ფსიქოლოგთა ასოციაცია) გამოყენებით (იხ. ბმული

<http://www.waikato.ac.nz/library/study/referencing/styles/apa/examples/books>).

პლაგიატი

ნაშრომში სხვათა მოსაზრებების, ფრაზებისა და წინადადებების გამოყენებას არასათანადო წესებით (ლიტერატურული წყაროს მითითების გარეშე) ეწოდება პლაგიატი.

პლაგიატი (plagiatus ლათ.) ნიშნავს მიტაცებულს. მეცნიერებაში პლაგიატი ეწოდება ნებისთ თუ უნებლიედ, სხვისი იდეების საკუთარ იდეებად გასაღებას. ეს „იდეები“ შეიძლება იყოს ნაბეჭდი ან ელექტრონული მასალა, დაწყებული მარტივი წინადადებებითა და დამთავრებული მთელი პარაგრაფებით; ამასთან, ეს შეიძლება იყოს სტატისტიკური მონაცემები, ლაბორატორიული კვლევის შედეგები, ხელოვნების ნიმუშები და ა.შ. პლაგიატი შეიძლება იყოს განზრახული ან უყურადღებობით დაშვებული. პლაგიატის აღმოჩენის ნებისმიერ შემთხვევაში საბაკალავრო ნაშრომი მიმდინარე სემესტრში დაცვაზე არ დაიშვება.

საბაკალავრო ნაშრომის წარდგენა:

- დაცვამდე/განხილვამდე 2 კვირით ადრე სტუდენტი საბოლოოდ დასრულებულ საბაკალავრო ნაშრომის ელექტრონულ ვერსიას ატვირთავს სასწავლო პროცესის მართვის სამსახურის მიერ ამ მიზნით გამოყოფილ მისამართზე (https://tsu.ge/ge/faculties/social/hccla0ixc_o-h_tgp/bachprog/idpy0l0dzmwkwf9er/). ამავდროულად საბაკალავრო ნაშრომის ბეჭდურ ვარიანტს სტუდენტი წარადგენს შესაბამის დეპარტამენტში; მითითებული ვადის გასვლის შემდგომ ვებ-გვერდი იხურება, აუტვირთავი საბაკალავრო ნაშრომი აღარ განიხილება და სტუდენტი დაცვაზე არ დაიშვება. ნაშრომის ელექტრონული ვერსიები გაეგზავნება დაცვის კომისიის წევრებს დაცვამდე 10 დღით ადრე.
- საბაკალავრო ნაშრომი უნდა იყოს აკინძული (ზამბარით აკინძული ან ყდაში ჩასმული);
- საბაკალავრო ნაშრომი ფასდება 100-ქულიანი სისტემით.
- ნაშრომების შეფასება შეიძლება განხორციელდეს როგორც საბაკალავრო ნაშრომის საჯარო დაცვის ფორმით, ისე საჯარო დაცვის გარეშე კომისიის დასკვნის საფუძველზე.

საბაკალავრო ნაშრომის შეფასება საჯარო დაცვის საფუძველზე:

- საბაკალავრო პროგრამის ხელმძღვანელმა ფაკულტეტის სასწავლო პროცესის მართვის სამსახურს უნდა მიაწოდოს საბაკალავრო ნაშრომის საჯარო დაცვის თარიღი და ნაშრომების დაცვის კომისიის შემადგენლობა (არანაკლებ 3 წევრისა) ერთი თვით ადრე.
- საბაკალავრო ნაშრომის დაცვა ხდება საჯაროდ.
- ნაშრომი ფასდება დანართ #1ში მოცემული კრიტერიუმების მიხედვით;
- ხელმძღვანელი აფასებს ნაშრომს 40%-ის, ხოლო კომისია – 60%-ის ფარგლებში.
- პრეზენტაცია ფასდება კომისიის თითოეული წევრის მიერ. ამ კომპონენტში სტუდენტის საბოლოო შეფასება იანგარიშება კომისიის წევრთა შეფასების საშუალო არითმეტიკულით.
- საბაკალავრო ნაშრომი დაცულად ჩაითვლება და სტუდენტს შესაბამისი კრედიტი მიენიჭება, თუ მის მიერ მიღებული საბოლოო შეფასება მინიმუმ 51 ქულაა.
- საბაკალავრო ნაშრომის არაღამაკმაყოფილებლად (F/FX) შეფასების შემთხვევაში, მისი დაცვაზე წარდგენა იმავე სემესტრში დაუშვებელია;
- საბაკალავრო ნაშრომის დაცვის პროცესი აისახება ოქმში, რომელსაც ადგენს კომისიის მდივანი.
- ოქმს თან უნდა ერთვოდეს ხელმძღვანელის და ასევე კომისიის მიერ დაწერილი საბოლოო შეფასების უწყისი, რომელსაც ხელს აწერენ კომისიის წევრები.

საბაკალავრო ნაშრომის შეფასება საჯარო დაცვის გარეშე

- საბაკალავრო პროგრამის ხელმძღვანელმა ფაკულტეტის სასწავლო პროცესის მართვის სამსახურის უნდა მიაწოდოს საბაკალავრო ნაშრომის განხილვის თარიღი მინიმუმ ერთი თვით ადრე.
- დეპარტამენტი გამოყოფს შემფასებელს/შემფასებლებს, რომელთა დასკვნა მტკიცდება დეპარტამენტის სხდომაზე. ორი ან მეტი შემფასებლის არსებობის შემთხვევაში საბოლოო ნიშანი გამოითვლება როგორც შეფასებების საშუალო არითმეტიკული.
- ნაშრომი ფასდება დანართ #1ში მოცემული კრიტერიუმების საფუძველზე;
- საბაკალავრო ნაშრომი დაცულად ჩაითვლება და სტუდენტს შესაბამისი კრედიტი მიენიჭება, თუ მის მიერ მიღებული საბოლოო შეფასება მინიმუმ 51 ქულაა.
- საბაკალავრო ნაშრომის არაღამაკმაყოფილებლად (F/FX) შეფასების შემთხვევაში, მისი წარდგენა იმავე სემესტრში დაუშვებელია;
- საბაკალავრო ნაშრომის დაცვის პროცესი აისახება დეპარტამენტის სხდომის ოქმში.
- ოქმს თან უნდა ერთვოდეს საბოლოო შეფასების უწყისი, რომელსაც ხელს აწერენ მიმართულების სხდომის მონაწილეები.

დაცვის შემდგომი პროცედურები:

- დაცვიდან ორ დღეში ოქმი და უწყისი წარედგინება ფაკულტეტის სასწავლო პროცესის მართვის სამსახურს, სტუდენტის სასწავლო ბარათში შეფასების შესატანად.
- სტუდენტთა საბაკალავრო ნაშრომები ინახება ფაკულტეტზე თსუ-ში დადგენილი წესის მიხედვით.

საბაკალავრო ნაშრომის შეფასების კრიტერიუმები:

<p>1. საბაკალავრო ნაშრომი ფასდება ხელმძღვანელის (40 ქულა) მიერ</p>	<p>მაქსიმალური ქულა – 40 (დაცვაზე გასვლის წინაპირობა მინიმუმ 20 ქულა)</p>
<p>ა) შინაარსობრივი მხარე (30 ქულა):</p> <ul style="list-style-type: none"> ➤ საკვლევი საკითხის რელევანტური თეორიების, პრინციპებისა და ფაქტობრივი მასალის ცოდნა და კრიტიკული გააზრება – 10 ქულა; ➤ ანალიზის, არგუმენტებისა და დასკვნების გამართულობა - 10 ქულა; ➤ ნაშრომის ენობრივი და სტილისტური გამართულობა – 10 ქულა <p>ბ) ფორმალური მხარე (10 ქულა) :</p> <ul style="list-style-type: none"> ➤ გაფორმება, ციტირება, სქოლიო, სარჩევი, ანოტაცია და ა.შ..) – 10 ქულა 	
<p>2. საბაკალავრო ნაშრომის პრეზენტაცია (ფასდება კომისიის წევრების მიერ საჯარო დაცვის დროს)</p>	<p>მაქსიმალური ქულა – 60 (ნაშრომი დაცულად ჩაითვლება თუკი სტუდენტი საჯარო დაცვაზე მიიღებს მინიმუმ 31 ქულას)</p>
<p>ა) ნაშრომის შინაარსობრივი მხარე (30 ქულა):</p> <ul style="list-style-type: none"> ➤ საკვლევი საკითხის აქტუალობა - 5 ქულა; ➤ კვლევის მეთოდოლოგია, პირველადი/მეორადი მონაცემების ანალიზის სიცხადე – 5 ქულა ➤ თეორიის და ემპირიული მასალის საკვლევი საკითხის რელევანტური თეორიების, პრინციპებისა და ფაქტობრივი მასალის ცოდნა და კრიტიკული გააზრება – 10 ქულა; ➤ ანალიზის, არგუმენტებისა და დასკვნების გამართულობა - 10 ქულა; <p>ბ) პრეზენტაციის შინაარსობრივი მხარის შეფასება 20 ქულა):</p> <ul style="list-style-type: none"> ➤ საპრეზენტაციო მოხსენების რელევანტურობა საბაკალავრო ნაშრომის შინაარსთან – 5 ქულა ➤ არგუმენტირებული მსჯელობა – 5 ქულა ➤ აუდიტორიასთან კომუნიკაცია ეთიკის სტანდარტების გათვალისწინებითა და საინფორმაციო-საკომუნიკაციო ტექნოლოგიების გამოყენებით – 10 ქულა <p>გ) ნაშრომისა და პრეზენტაციის ფორმალური მხარე – 10 ქულა</p> <ul style="list-style-type: none"> ➤ საპრეზენტაციო მასალის გაფორმება და შესრულების დონე – 10 ქულა ➤ ნაშრომის/პრეზენტაციის ენობრივი და სტილისტური გამართულობა – 10 ქულა 	
<p>ნაშრომის საბოლოო შეფასება (ხელმძღვანელის და კომისიის შეფასება)</p>	<p>მაქსიმალური ქულა – 100 დადებითი შეფასება – მინიმუმ 51 ქულა</p>

ივანე ჯავახიშვილის სახელობის თბილისის სახელმწიფო უნივერსიტეტი
სოციალურ და პოლიტიკურ მეცნიერებათა ფაკულტეტი

საბაკალავრო პროგრამის დასახელება

სტუდენტის სახელი, გვარი

საბაკალავრო ნაშრომის დასახელება

ნაშრომი შესრულებულია ბაკალავრის აკადემიური ხარისხის მოსაპოვებლად

ხელმძღვანელი: სახელი, გვარი

აკადემიური თანამდებობა

თბილისი

201...